

PROCLAMATION DES

ESTATZ D'ANGLETERRE

*pour la reception du Roy d'Escoffe
à la couronne.*



AVTANT quil a pleu à Dieu tout puissant d'appeler à sa misericorde, hors de ceste vie caducque, nostre souveraine dame, haute & puissante princesse Elizabeth, nagueres Royné d'Angleterre, France, & Ireland, par la mort & trespas de laquelle les courónes Imperiales desdits Royaumez sôt eschues entierement, vniquement, & solidairement, à haut & puissant Prince Jacques sixiesme Roy d'Escoffe, lequel est directement & legitiment descendu de la persóne de Marguerite, fille de haut & renommé Prince Henry septiesme Roy d'Angleterre, Fráce, & Ireland, son bifaieul, ladicte dame Marguerite fille legitime d'Elizabeth, fille du Roy Edou

art quatriesme (par l'heureuse conion-
ction desquelz, en mariage, les maisons
d'York & l'Anclastre ont esté vnies à
l'infinie resiouissance de ce Royaume,
lequel auparauant auoit esté deschiré
& laceré par la sanglante & longue di-
uision des guerres ciuiles) laquelle da-
me Marguerite estoit sœur aînée de
Henry huitiesme, de renommée illustre,
Roy d'Angleterre, comme dit est.

Pour ces causes nous Seigneurs spiri-
tuels & temporels de ces Royaumes,
icy assemblez, vnis, & assistez des Sei-
gneurs du conseil priué de la defuncte
Majesté, ensemble d'un grand nombre
d'autres gentishommes de qualité, &
chefs de maison en ce Royaume, assi-
stez aussi du Seigneur Majeur, Senat, &
Citoyens de Londres, & de plusieurs
autres bons subiects du tiers estat de ce
Royaume, lesquels ayant vn tresgrand
desir de notifier à toutes personnes ce-
luy

3

luy qui par la loy de succession hereditaire, & droit indubitable, est maintenant deuenu nostre seul souuerain Seigneur & Roy infalible, auquel appartient lesdittes courones Impp. (à fin qu'è vertu de sa puissance, sagesse & sainte magnanimeté on puisse pouruoir à tout, & mettre à execution tout ce que appartiendra, pour preuenir & resister tant aux attentats des estrangers, qu'aux tumultes populaires, tendans à la rupture de la tranquillité de la paix, ou qui soit preiudiciable à l'aduenir au repos de sa Majesté.

N O V S donc à ceste fin, tous d'une voix & consentement vny de langue & de cœur, declarons & Proclamós publicquement, que haut & puissant Prince Iacques sixiesme Roy d'Escoffe, est maintenant (par la mort de nostre feüe souueraine Royne d'Angleterre, d'heureuse memoire) deuenu nostre vni

que, legitime, hereditaire, & iuste Seigneur souuerain, Iacques premier Roy d'Angleterre, France, & Ireland, protecteur de la foy, auquel comme à nostre vnique, & legitime Prince (lequel outre son droit indubitable, est orné de tres-rares dōs, tāt d'esprit que de corps, au tresgrand soulagement de son peuple & subjets, qui auront à viure sous luy,) Nous recognoissons deuoir, toute obeissance immuable, de tous nos cœurs & humbles affections, tant pour nostre regard durantes nos vies, que pour & au nom de nostre posterité, par ainsi denōçans à toutes persōnes quelcōques, que suiuant ceste nostre determination iuste & legitime, nous-nous sommes resolu, assistez de la faueur de Dieu, & meus d'un zele de nos propres consciences, (bien instruits, par la cognoissance trescertaine de son droit manifeste & indubitable, comme dit

est) de maintenir & soustenir la person-
ne & Estat de sa Majesté, cōme de no-
stre seul & indubitable Seigneur souue-
rain & Roy, au hazard de nos vies, heri-
tages, biens, parens & associes, contre
toutes puissances, forces, ou menees,
qui se pourroyent faire, soit de parolle,
soit deffet, pour interrompre, contredi-
re ou impugner ses iustes pretensions,
son entrée en son Royaume, ou en au-
cune partie d'iceluy, selon son bon plai-
sir, ou pour resister à aucūns mandemēs
Royaux, qui seront enuoyez de sa part,
ausquels seulement nous nous som-
mes resolus d'obeir, iusques à l'effusion
de la derniere goutte de nostre sãg, pour
estre employez à son seruice.

Partant voulons & commandons,
au nom de nostre souuerain Seigneur,
Iacques premier Roy desdits Royau-
mes, à tous lieutenãs & deputez d'iceux,
Senechaux, Iusticiers, Majeurs, Ballifs,

Connestables, principales villes, & tous autres officiers & ministres de iustice quelconques, qu'ils ayēt à prendre garde, en temps & lieu conuenable, à toutes choses necessaires, pour preuenir, resister, & supprimer, toutes assembléees tumultuaires, ou autres attētats, ou actes illicites, soit de faict, soit de parolle, cōtraires à la paix publique du Royaume, ou en aucune maniere preiudiciable au droit, honneur, Estat, & personne, de nostre seul indubitable & trescher & souverain Seigneur, qui est maintenant Iacques I. Roy de tous lesdits Royaumes, comme ils desirent euitier au peril de lindignation griefue de sa Majesté, & leur totale ruine & confusion, priās Dieu, vouloir benir sa Majesté & sa posterité Royale, pour regner heureusement & longues annees sur nous.

Dieu sauue le Roy Iacques.

Robert Lee Major. Io. Cantuar.

Tho. Egerton. C.S.
Nottingham.

Gilebert Schreſbury

E. worceſter.

R. Suffex.

Pembrok.

George Hunſdon.

Ri. London.

Io. Noruwich.

H. Cobham.

Gray.

Rob. Rich.

George Chandoys.

w. Knollys.

Ioh. Stanhop.

Ioh. Fortescue.

Tho. Bukhurſt.
Northumberland.

W. Derby.

G. Cumberland.

H. Lincolne.

Clarincard.

Tho. Houuard.

Rob. Hereford.

Morley.

Tho. Lauuare.

Ed. Cromuueell.

Lombey.

w. Compton.

Ed. wotton.

Rob. Cecill.

Ioh. Pophame.

A LONDRES.

Par Robert Barker, le 24. Mars 1602.

ou 1603. 3. Avril, Refor.